

# 6,000 pegang PhD pada 2023

Kuala Lumpur: "Rakyat yang berpeluang harus memanfaatkan inisiatif kerajaan yang mahu melahirkan 6,000 graduan doktor falsafah (PhD)," kata Datuk Seri Najib Razak.

Perdana Menteri menggesa mana-mana rakyat negara ini yang terbaik menggunaikan peluang disediakan kerajaan dalam usaha mencapai sasaran berkenaan menjelang 2023.

"Kerajaan menyasarkan 6,000 graduan PhD menjelang 2023. Sesiapa yang berpeluang

harus memanfaatkan inisiatif ini," kata beliau melalui tweet terkininya, semalam.

Kelmarin laporan media menyebut, Menteri di Jabatan Perdana Menteri Datuk Seri Abdul Wahid Omar berkata, kerajaan menyasarkan 6,000 graduan PhD menjelang 2023, selari dengan usaha melahirkan pakar pelbagai bidang majukan dasar perindustrian negara.

Semasa memberitahu Dewan Negara, beliau berkata, sasaran itu adalah mekanisme bagi mewujudkan kelom-

pok sumber manusia berpengetahuan tinggi yang akan menjadi pemangkin kepada penyelidikan dan pembangunan selaras dengan kewujudan universiti berstatus penyelidikan termasuk Universiti Malaya, Universiti Putra Malaysia dan Universiti Teknologi Malaysia.

Abdul Wahid berkata, kerajaan menubuhkan empat universiti teknikal seperti Universiti Malaysia Terengganu, Universiti Teknologi Melaka, Universiti Malaysia Pahang dan Universiti Tun Hussein Onn Malaysia serta berjaya melahirkan 7,743 graduan teknikal berdaya saing tahun lalu.

**FAKTA**  
Universiti berstatus  
penyelidikan dan  
teknikal bantu capai  
sasaran